

中國邊疆史志集成

東北史志

第一部

12

全國圖書館文獻縮微复制中心

中國邊疆史志集成

# 東北史志

第一部  
12

全國圖書館文獻  
縮微復制中心

呼蘭廳

即今巴彥州

歷任學正多由順天奉天兩省實缺教官轉補制

科重經義試貼詩其能兼課天算地輿各學者間亦有之光緒三十二年學正季恩銘俸滿引見遂停補以巴彥州知州護之

宣統二年十一月裁缺

詳政治略

案往時學正設皋比授生徒英俊子弟咸樂從之游永平傅襄在官時門徒尤盛蘭蘇文風甲於江省教育爲之也

### 二家塾

家塾盛於同治改元以後大率二月朔開學九月杪散學殷富之家家延一師無附學者謂之專館其貧無力者合數家共謀之或合數屯共謀之謂之合館合館束修之入視學額學期爲



差別蒙生歲修大率中錢六千或八千十數學期之生亦不過二三十千專館學生少而束修豐有歲入二三百金者塾師強半山東產然不盡讀書人也教授法重記誦不重講解科舉廢止仍有以制藝試帖相授受者修身歷史輿地算學皆付闕如體操一門尤鄉俗所駭怪光緒三十四年維翰知呼蘭府事整理家塾先以甄別塾師繼以培植師範巴彥蘭西木蘭各屬皆倣效之風氣因之漸變惟師範傳習生學期較短名額亦少尙未足供家塾教授之用

### 呼蘭府私塾改良法

巴彥蘭西木蘭改良私塾辦法大略相同不備錄

一設立師範傳習所甲班六月乙班三月班各三十人塾師未

入師範學堂及傳習所者均令入所肄業更番而教之授以  
教授管理諸法

二甄別塾師列最優等優等中等者給以憑證准任家塾教員  
不列等第者勒令別營生業甄別之法一考試國文二講解  
經史

三塾師給各類教科書一分黑板一方其功課須不背部章  
四家塾確遵部章教授者准作爲民立小學並給匾額以示旌  
異

呼蘭私塾一覽表

光緒三十四年

宣統元年

私塾數目 學生額數

私塾數目 學生額數

東關 十處 一二六

十三處 一五一

西關 十一處 一八八

八處 三二一

南關 十一處 一五六

一處 一〇

北關 十處 一六〇

一處 二三

東鄉 五十八處 六六三

三十處 三四〇

西鄉 三十五處 四三五

十五處 一六四

南鄉 三十八處 五五六

二十六處 四〇四

北鄉 四十一處 五〇一

二十一處 二三九

巴彥州私塾一覽表

宣統元年

私塾數目 學生額數 私塾數目 學生額數

第一區 八處 一五三 第七區 四處 六三

第二區 六處 一〇六 第八區 四處 四五

第四區 二處 三九 第九區 十處 一七三

第五區 八處 一〇八 興隆鎮 一處

第六區 二處 五二 西集廠 一處

蘭西縣私塾一覽表

光緒三十年 宣統元年

私塾數目 學生額數 私塾數目 學生額數

本城南區 一處 五 一處 一七

本城北區一處 七 一處 一九

本城東區一處 二三 一處 一八

本城西區一處 一一 無

南 鄉九處 二三五 九處 一三〇

北 鄉十一處 一六九 十六處 二〇七

東 鄉十一處 一五六 十三處 一八八

西 鄉四處 五七 六處 一〇一

木蘭縣私塾一覽表

宣統八年

城鄉共五十處 學生 六〇〇

案教育廣狹視乎家塾之盛衰而家塾教育之良楮又視乎



塾師品學之優劣家塾者蒙養小學必由之階級也論者欲  
禁阻家塾令齟齬梟子胥出於官立小學之一途未知其果  
合於教育原理否也

### 三學堂

#### 師範暨高初等小學

呼蘭府官立學堂都二十七校校舍由建築購置捐助者二十  
一租賃者五無租金者一其教授科目胥遵部章各屬皆同  
初級師範學堂光緒三十三年開辦初辦傳習所三閱月畢業  
凡二班次年改辦簡易科六閱月畢業凡一班宣統元年冬遵  
照部章組織初級師範學堂校舍在勸學所東院

高等小學光緒三十二年開辦凡一班次年畢業三十四年招生次其高下分爲己庚辛三班是年冬己班生畢業宣統元年考升各初等小學畢業生增爲壬癸兩班提學使張建勳以呼蘭學生程度較優庚辛壬癸四班俱改爲中學預科是年冬庚班畢業高等小學定章有英文本校並以兩班加授日文學堂初在府城西街即今第三兩等小學堂後移東街即今中學堂在大街東胡同勸學所之東爲周觀察冤所捐助舊有房十四間光緒三十四年添購改建增爲四十七間容學生百六十人計講堂十二間教員室九間寢室十四間接待室兩間食堂三間庶務室兩間雜房五間操場二一在門內一在接待室後

第一兩等小學光緒三十二年開辦一班三十四年夏添爲兩班有學生六十七名校在府南關龍王廟容學生八十人講堂五間板屋二間三十四年新建

第二兩等小學光緒三十三年開辦一班次年秋添足兩班有學生五十七名科目於定章外增授英文校在府東關觀音廟容學生八十人宿舍四間二十四年新建

第三兩等小學光緒三十四年開辦學生三十六名科目於定章外增授日文校在府城大街西胡同容學生八十人

第四兩等小學光緒三十四年春開辦學生五十三名校舍初在府城大街北頭西胡同九月移街東呂祖廟容學生六十人

講堂五間三十四年新建

蘭東兩等小學在府東沈家窩堡光緒三十三年開辦一班宣統元年十月改爲兩等學生六十餘人校舍初賃民房宣統元年移入新校宋紳乃賡捐助計磚房二十二間復由勸學所增購磚房五間校舍寬敞高固爲鄉校之冠容學生一百六十人東溝初等小學在東鄉頭道溝屯光緒三十四年七月開辦校係租賃草房九間容學生五十人

渥集初等小學在府東九十里渥集林子屯校舍九間本屯學董王有成捐設嗣復增築二間光緒三十四年七月開辦容學生五十人

大方初等小學在府東七十里大荒台屯光緒三十四年九月開辦係租賃容學生五十人屯紳常翥報効地基一段熟地十晌以款絀尙未建築

五站兩等小學在府南五站光緒三十三年開辦一班宣統元年九月以青山小學學生併焉十月改爲兩等有學生六十餘人校舍十三間五站官丁捐助容學生八十人

青山初等小學在對青山車站光緒三十四年春開辦次年八月併入五站兩等小學

青雲初等小學在府南二十里青雲觀光緒三十四年九月開辦容學生八十人



荷台初等小學在府四十里薄荷台光緒三十四年十月開辦  
學生四十餘人校舍十一間李紳樂山捐助容學生八十人

大用初等小學在府西北九十里沈大用井屯光緒三十三年  
五月開辦初係租賃宣統元年屯紳郭萬金報効房基地五畝  
七分二厘爲學基屯民復贖資二千吊建築之宣統二年落成  
正屋十間羣房六間校基二萬五千二百方尺

百崎初等小學在府西北八里大白旗屯光緒三十四年五月  
開辦學生二十餘人校舍係租賃容學生六十人

許堡初等小學光緒三十四年開辦學生三十餘人初設於府  
西北四十五里許家窩堡宣統元年學生名額多校舍窄遂移

周華井屯校舍八間公產無租金

華芳初等小學在府西北三十五里平房屯校舍係借用無租金容學生四十人

朝陽兩等小學在府北九十里朝陽堡光緒三十三年五月開辦租用民房十二間容學生八十人

城北兩等小學在府北八十里城子溝屯光緒三十四年十一月開辦初僱民房宣統元年李紳永春等捐資建築新校容學生八十人計講堂五間寄宿舍五間校基二萬九千四百五十方尺校外菜地一十八畝東院爲北鄉巡警分局保衛尤便

吳堡初等小學在府東北五十里吳家窩堡光緒三十四年五

西曆月示 卷一  
月開辦學生三十餘人學舍六間係屯民邵長海產業宣統元年邵長海以價購歸捐爲學堂學基甚寬若加建築容三四級學生

蟠龍初等小學在府北九十五里蟠龍溝光緒三十四年十月開辦校舍係租賃容學生九十人

案學堂初建羣情疑沮以招生爲募兵之借詞故光緒三十二年學生額僅六十其教授法視家塾無甚差異逾二年維翰知府事欲謀擴充分委官紳勸導之定章學生招考須有保證此則勸學員須給其父兄之保證書或更借重商戶以保證其寔入學非爲預備陸軍也開校數月爲父兄者乃改

移其視聽以子弟得入學爲幸是年名額建一千一百以上  
且捨田宅助貲財者相望甚矣風氣轉移之速也

巴彥州官立學堂都十七校校舍建築者四廟產四租賃者九  
兩等小學光緒三十二年七月開辦初與木蘭合故名曰巴蘭  
學堂逾二年本蘭學堂成立乃定今名三十三年第一班學生  
畢業次年第二班畢業校舍舊呼蘭聽試院也爲屋七十餘間  
容學生二百數十人

師範傳習所附於兩等小學內光緒三十四年開辦

東彥初等小學光緒三十三年七月開辦在州東關龍王廟內  
瓦房五間容學生六十名